


www.BibleForChildren.org




Yohana 14



Yeso è jan be etsonchi mbwe jan, “Nye e tsen nye tsuruku ra. Nye e no e kpwà adi shwa enyim a chu Ehwya, nye e nyishwa a chu m gaten. A mbwe Àtà m be àtá no embo, ge è ma no ye enò ra, mà a jan ara nye jan m nyaken evəa me e bwe e se zən e nyi nye.”



“Ngge ano m ken bwese zən nyi ara nye, m twabə a bwa a kpu nye ken a no ngge me, abu nye e no adi zən a m no anga gaten.”




A me, Yohana, nwenjin nye adi Kristi, ende e ngə
ekan anga abu nye ángá. Ma ende e no a tswa
zənotì ngge nye gaten. M bon-ekèn

anga adi ekan engəm
abu nye.




Mi no a chu ebin etù a bè fé anga Batamosa adia
m jan be nobə fwa mo Ehwya ngge mò a
Yeso è jan ángá.



Kè akan, Engé mo Ehwya hon è shwa m a ju, ngge
m̀ di Botì a tswa kpe ngge ende akan è chuno a chu
mo nó.



Ekənggwa m̀ fo binbin m̀ emmòm a kpe ngge a
sənsen, a ta sənsen, a chu mo sən, ngge be m̀
binbin be ya e dwa a tswa mo be
àngá, è no jan anga, “No a fwa
efwam etàn ngge edgwa ngge
egèn ngge echakpo, no m̀ mo
ende e chuno a chu botì ngge
m̀ mo Nwen
Son hon.”



Chashin mo mò ena, m̀ di Eten efifi Echanwenwen,
Urishelima Efwe hon, è və a kpe a zən Ehwya nè no
nyashwa a sen, nè tsànsè ti ju ye no abu endà-efwe a
be tsànsè ye ju nyi nobà anga ge e ben don ye ángá.
M̀ fo aken echakpokpo è no gwa anga a je mo botì nè

no jan anga,

“Di, zən a

Ehwya no anga

asuswana, no a

engga mo be nobə.


Ga no a tswa engga

mo be, ngge ba no be

nobə mbwe. Ehwya e

chu ye a no ngge be na


no Ehwya mo be.”



Ekənggwa, maleka hon e tú m kən, a mbə mo nó
no nya anga. Mbə mo nó no enggasansan abu
gilasi. Ge vé gwa anga a je a zən botì mo Ehwya
ngge m̀ mo Nwen Son.



Eten efifi hon nda ye nò, eno e ra fka, nwone a
nggazə a tswa mo nó ra, adia egèn mo Ehwya
no enggasansan mo nó a ge, ngge Nwen Son
hon a petila mo nó a ge.




Mò e no ye echanwenwen ra, a kwashi a didi ye a tswa eten efifi hon ra, efki ra, ende e bwe mò ebgenju eno e ra, e fe fwafe anga. Be nobə ya a kwa a tswa eten efifi hon anga, a be ya bè bá ara ti mo be a tswa afketa mo Nwen Son, tú anga, be nobə ya a bè no ara be nya e no a fwa efwam ángá.




“Ga fwe a nggwa binbin mo engə a fəzən mo be. Be nobə a fə be efwe ra.’ Be nobə a bgen be nya efwe ra, na kpe be dwa efwe ra ngge ba fo be ju edwadwa efwe ra, adia be mò ekpe ekpe, è twafè ara.”



Mò a Ehwya tso ara nó dwavə esera a no a didi ye a tswa eten hon ra. Botì mo Ehwya ngge m̄ mo Nwen Son hon a no a tswa Eten efifi hon, ngge be ya mochi mbwe a fen ye. Ba di fəzən embəgya mbwe, ngge ba bá ti mbwe a chu di mo be.




M di be engəfə hon, be nobə echa ngge be nobə ebaba, ywano chafya mo boti hon, ngge bè fkgwa be afketa. Bè fkgwa afketa efki, nwone a bè bá ti mo be ya a bè no ara be nya e no a fwa efwam ángá no a tswa mo nó. Bè kpèn be engəfə kén ken abu be mò a bè bwe, abu be bá be no a tswa be afketa hon ángá. Egwa egwa a bè ben be ti mbwe, a tswa afketa a bè bá be ti mo be ya a be no ara be, nya e no a fwa efwam ra, ba ti ye twa a shi a tswa ahwyafè ena.



Engé hon ngge endà-efwe hon no jan anga, “Bwa.”

Ngge egwa egwa e fo be fwa ena anga, ge e jan,
“Bwa” gaten. Ende e fo jwangè anga, ge e bwa. Ende
e dgyan ge e ben mbə e no be nobə nya anga, ge e
bwa e cha nó edwe.



Adia Ehwya è dgyan be nobe mo
zə́nchaje àyvá, gè tson Nwen ye
akan tete bwa, evəa egwa egwa
nwene e tséekèn a chu Nwen hon, a
tkò a didi ye ra, tea ga ben nya
e no a fwa efwam ángá.



Be ya a Roma 3:23

Adia binbin mo be nobə è bwe ara ebgen,
n kən be be e ben egèn mo Ehwya ra,

Be ya a Roma 6:23

Adia buhwen a nya ben adi ebgen ebwem ángá, a fə,
tea edwe a Ehwya no anga, a nya e no a fwa efwam
adi efka mo Yeso Kristi, Etsodwe mo je.

Be ya a Ebru 9:27

Adia gè no ara epanyim jan nobə a fə kè akan,
chashin mo nó, ba kpèn ye kén ángá,



Be ya a Afisa 2:8,9

Adia a chu esese mo Ehwya a bè tivé nye, adi efka mo chaebi mo nye a chu Yeso, fwa ye a chu mò akan a nye bwe ara ra, a edwe mo Ehwya, fwa ye a chu mochi a nye bwe ara ra, enona, nobə akan a sé ye fé ra.

Be ya a Roma 10:9,10

Ge tú anga jan, ano nobə jan a kpevé mbwe gwa a je jan, “Yeso a Etsodwe,” ngge ge tséekèn a tsuruku mbwe jan, Ehwya è ti ye nyi etkyen a dì angə, ga ben nya e no a fwa efwam ángá. Adia a ngge tsuruku a nobə e tséekèn ngge be jan-gwa ara ye a chu zəno mbwe chafya mo Ehwya, ngge ge jan nó a kpevé mbwe gwa ara je a chu chaebi mbwe, ba ti a vé ye.



Yohana 3:16,17

“Adia Ehwya è dgyan be nobə mo zənychaje àywá, gè tson Nwen ye akan tete bwa, evəa egwa egwa nwene e tséekèn a chu Nwen hon, a tkò a didi ye ra, tea ga ben nya e no a fwa efwam ángá. Adia Ehwya e tson ye Nwen ye hon shwa ye a tswa zənychaje abu ge e kpèn be nobə mo zənychaje kénfə ra, tea adi efka mbwe be e ben ega.

1 Yohana 5:11-13

Ena a mò a Ehwya jan anga, Ehwya no ara je nya nwone a kən ye etkyen ra, nya hon ena no a tswa mo Nwen ye. Egwa egwa e no ngge Nwen hon a tsuruku mbwe, no ngge nya. Egwa egwa e cha ye Nwen hon a tsuruku mbwe ra, fwa ye ngge nya ra. A nye ya e tséekèn no a chu ti mo Nwen mo Ehwya ángá, m bá be mò ena no nye anga, evəa nye e yi jan, nye ben ara nya e no a fwa efwam ángá.



Yohana 14; 2 Be ya a Korinti 5;
Efijanm mo enggwà 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Etkywan NT (ich) © 2024 Luke Initiative for Scripture
Translation

<https://www.bible.com/bible/3934/MAT.1>

©2026 Bible for Children, Inc.

www.M1914.org

www.bibleforchildren.org

